

Disposiziuns executivas a basa dalla lescha per l'economisaziun digl rusment digl cumegn da Salouf

relaschedas dalla suprastanza communal sa basond agl art. 19 cefra 2
dalla lescha per l'economisaziun digl rusment digl cumegn da Salouf.

Art. 1 Deposits da rusment

Igls deposits da rusment da qualunque sort e mantignias da cumegn, vignan dos cunaschaints alla populaziun ed adattos cuntinuadamaintg agls basigns ed allas pussebladads. Igls deposits actuals èn igls suandonts:

- Sot Vischnanca
- Pulens
- Del
- Zona d'industreia Gneida

Art. 2 Deposits da recicladi

Sen igls deposits da recicladi digl cumegn dastga neir deponia:

- ielis vigls
- beschlas da conservas (aluminium, tola alva etc.)
- vistgadeira
- vèder
- PET
- palpieri
- cartung
- cumpost

Survista digls deposits da recicladi:

deposit	ieli e grass	beschlas da conservas	vistga- deira	vèder	PET	palpieri e cartung	cumpost	metall
Sot Vischnanca	X	X	X	X	X	X		X
Pulens				X	X			
Del					X			
Zona d'industreia Gneida							X	

Art. 3 Deposit per rusment spezial

Rusment electronic ed apparats pigl tigneirtgesa:

Dar anavos gratuit tigl commerzi spzialiso (er sainza cumprar ensatge nov ed independent dalla marca), deponeia Davos Fallung, Savognin ni tar la ARGO, Casti.

Rodas e battareias d'autos, autos vigls etc.: Dar anavos tigl commerzi spezialiso.

Art. 4 Amballadi

Per la dismessa digl rusment èn lubias sulettamaintg igls suandonts amballadis:

- a) satgs da rusment da 35, 60 e 110 liters cuntign, marcos cun la marca dalla taxa destinada digl cumegn.
- b) containers muvibels cun stadeila e sera cupitgbla.
- c) oters amballadis èn lubias angal an cunvagnientscha cun la suprastanza communal.

Art. 5 Satgs da rusment

Satgs da rusment duessan neir amplanias luccamaintg e saros, uscheia tg'igl deposit na vign betg tschuffargnea.

Art. 6 Containers

Containers ston neir parageas cugl viertgel saro agls deposits respectivs. Els dastgan pir neir purtos la dumang digl de dalla rimnada e ston neir allontanos igl madem de anfignen igl pi tard la seira allas 18.00.

Art. 7 Apparaturas da cumprimer

Schi vignan duvradas apparaturas da cumprimer scu pressas idraulicas per containers, pachets u satgs, dastga igl amballadi pasar angal tant, tgi ena persunga suletta è bunga d'igl carger sainza ageid.

Per amballadis cumprimias pò neir pretandia ena taxa da dismessa pi ota.

Tar l'applicaziun da pressas da containers pò igl cumegn ordinar l'installaziun d'ena stadeila e metter a chint la peisa effectiva.

Art. 8 Marcas

La suprastanza communal procura la compra e vendita dallas marcas per satgs. La vendita dallas marcas pigls satgs e containers succeda an canzleia communal scu er agl consum. La suprastanza pò fixar ulteriours lis da vendita.

Art. 9 Vigour

Chellas ordinaziuns executoricas aintran an vigour cun la lescha per l'economisaziun digl rusment digl cumegn da Salouf sen igl 1. da december 2000 e ramplazzan tot igls decrets precedents.

Approvo dalla suprastanza communal, igls 30 d'otgover 2000:

Igl mastral
Demarmels Stefan

Igl canzlist
Battaglia Conrad

Approvo las midadas dalla suprastanza communal, igls 17 da matg 2010:

Igl mastral
Giatgen Peder Fontana

la canzlista
Sandra Baltermia-Guetg